

სასწავლო პროგრამა ტუბერკულოზის ადრეულ გამოვლენასა და მართვაში ოჯახის ექიმებისათვის

ოჯახის ექიმის როლი ტუბერკულოზის ადრეულ გამოვლენასა და მართვაში

-) ოჯახის ექიმს უნდა შეეძლოს პირველადი ჯანდაცვის დონეზე შეაფასოს და მართოს პაციენტი ტუბერკულოზთან დაკავშირებული პრობლემებით, გამოხატავს რა მის მიმართ ემპათიას და თანაგრძნობას, ოჯახის ექიმი ცდილობს მიაღწიოს მართვის პროცესში პაციენტის თანამონაწილეობას და მასთან შეათანხმოს მართვის გეგმა.
-) აცნობიერებს რა საკუთარი პროფესიული კომპეტენციის ფარგლებს, ოჯახის ექიმი განსაზღვრავს პაციენტის სპეციალისტთან მიმართვის აუცილებლობას და უზრუნველყოფს რეფერალს.
-) ოჯახის ექიმის მოქმედება კოორდინირებულია პირველადი ჯანდაცვის გუნდის სხვა წევრების საქმიანობასთან.

პროგრამის მიზანი:

პროგრამის მიზანია:

ოჯახის ექიმების მიერ პირველადი ჯანდაცვის დონეზე ტუბერკულოზის შემთხვევების დროული გამოვლენის, სპეციალისტთან მიმართვისა და მკურნალობაზე მეთვალყურეობის პრაქტიკის გაუმჯობესება.

პროგრამის ამოცანები:

-) ტუბერკულოზის მართვისთვის აუცილებელი ბაზისური ინფორმაციის მიმოხილვა კლინიკური თეორიისა და პრაქტიკის შესაფერის სფეროებში;
-) პირველად ჯანდაცვის ქსელში ოჯახის ექიმების მიერ ტუბერკულოზის დროული გამოვლენისა და ამბულატორიულ რეჟიმში ყველა ფორმის ტუბერკულოზის უშუალო მეთვალყურეობით ხარისხიანი მკურნალობისათვის საჭირო პრაქტიკული უნარ-ჩვევების გაუმჯობესება. ეს ასევე ითვალისწინებს პაციენტთან კომუნიკაციის ჩვევების გაუმჯობესებას გასინჯვის, მონაცემთა რეგისტრაციის და ინფორმაციის გამოყენების პროცესებში;
-) შეძლოს მიღებული ცოდნისა და უნარ-ჩვევების გამოყენება პაციენტების მკურნალობისათვის, მათ შორის გადაუდებელ შემთხვევებში. ეფექტური კომუნიკაცია

პაციენტთან და მის ნათესავებთან; ასევე პაციენტის საკონსულტაციოდ მიმართვა სპეციალისტთან საჭიროების დროს.

მოსალოდნელი შედეგები:

პროფესიული სწავლების პროგრამის დასრულების შემდეგ ოჯახის ექიმი:

მსმენელი

(ა) გაიღრმავებს თეორიულ ცოდნას:

1. ზოგად საექიმო პრაქტიკაში ტუბერკულოზის პრევენციის მნიშვნელობაზე;
2. ზოგად საექიმო პრაქტიკაში ტუბერკულოზის ადრეული გამოვლენის და ამბულატორიულ რეჟიმში სრულყოფილი მართვის შესახებ.

(ბ) შესძლებს

1. პირველად ჯანდაცვის ქსელში სამედიცინო დახმარებისათვის მისულ პაციენტებს შორის ტუბერკულოზზე საექიმო ნიშნების და რისკ-ჯგუფების მიხედვით გამოავლინოს ტუბერკულოზზე საექიმო შემთხვევები და უზრუნველყოს მათი დროული მიმართვა ფთიზიატრთან;
2. საჭიროების შემთხვევაში ამბულატორიულ რეჟიმში მართოს ტუბერკულოზის ყველა ასაკობრივი ჯგუფის და ფორმის დადასტურებული შემთხვევები; უზრუნველყოს ტუბერკულოზის ყველა ფორმით დაავადებული პაციენტების უშუალო მეთვალყურეობით მკურნალობა და მკურნალობაზე დამყოლობა ამბულატორიულ რეჟიმში მკურნალობის სრული კურსის განმავლობაში;
3. მონიტორინგით გათვალისწინებული კვლევებისათვის მიმართოს პაციენტი შესაბამის ქსელში;
4. მართოს ანტიტუბერკულოზური მედიკამენტების ფონზე განვითარებული მსუბუქი გვერდითი მოვლენები, ხოლო საშუალო სიმძიმისა და მძიმე გვერდითი მოვლენების შემთხვევაში მიმართოს პაციენტი ფთიზიატრთან;
5. თავად დაიცვას და უზრუნველყოს პაციენტის მიერ ინფექციის კონტროლით გათვალისწინებული ნორმების დაცვა;
6. აწარმოოს ტუბერკულოზის უშუალო მეთვალყურეობით მკურნალობის რეგისტრაცია-ანგარიშგების შესაბამისი ფორმები;

(გ) შეიცვლება მსმენელების დამოკიდებულება პირველად ჯანდაცვის ქსელში ტუბერკულოზის დროული გამოვლენის და ამბულატორიულ რეჟიმში მისი ხარისხიანი მართვის მნიშვნელობასა და აუცილებლობაზე.

განსახილველი საკითხები:

-) ტუბერკულოზის ეპიდემიოლოგია და თანამედროვე მიდგომები ტუბერკულოზის პრევენციისთვის
-) ტუბერკულოზზე საექსპო შემთხვევის მართვა;
-) ტუბერკულოზის დიაგნოსტიკა;
-) ამბულატორიულ რეჟიმში რეგულარული და რეზისტენტული ტუბერკულოზის უშუალო მეთვალყურეობით მკურნალობა;
-) ტუბერკულოზის საწინააღმდეგო პრეპარატებით გამოწვეული გვერდითი მოვლენების მართვა;
-) ტუბერკულოზისათვის დამახასიათებელი გართულებები;
-) ტუბერკულოზის მართვა განსაკუთრებულ შემთხვევებში;
-) ინფექციის კონტროლით გათვალისწინებული ნორმების დაცვა;
-) ტუბერკულოზით დაავადებული პაციენტების კონსულტირება და მკურნალობაზე დამყოლობის უზრუნველყოფა;
-) ტუბერკულოზის უშუალო მეთვალყურეობით მკურნალობის რეგისტრაცია-ანგარიშგება.

სასწავლო კურსის ხანგრძლივობა: 16 აკადემიური საათი

სასწავლო გეგმა ექიმებისათვის

დრო	თემის დასახელება	ტრენერი
პირველი დღე		
10.00 – 10.15	ტრენინგის გახსნა, მონაწილეთა წარმოდგენა	ტუბერკულოზის პრევენციის პროექტის წარმომადგენელი
10.15 – 10.45	პრე-ტესტი	ტბ – სპეციალისტი
10.45 – 12.15	ტუბერკულოზი-საზოგადოებრივი ჯანმრთელობის დაცვის განსაკუთრებული პრობლემა (ტუბერკულოზის ეპიდემიოლოგია STOP-TB სტრატეგია)	ტბ – სპეციალისტი
12.15 – 12.45	შესვენება	ტბ – სპეციალისტი
12.45 – 13.45	ტუბერკულოზის შემთხვევათა კლასიფიკაცია და დეფინიციები [მ.შ. ექსტრაპულმონური ტუბერკულოზი]	ტბ – სპეციალისტი
13.45-14.30	შესვენება (ლანჩი)	ტბ – სპეციალისტი
14.30-16.00	ექვი ტუბერკულოზზე (მ.შ. ექსტრაპულმონური ტბ) და საექვო შემთხვევების მართვა პირველად ჯანდაცვაში მ.შ. ბავშვებში	ტბ – სპეციალისტი
16.00 – 16.30	შესვენება	ტბ – სპეციალისტი
16.30-17.15	უშუალო მეთვალყურეობის ქვეშ მკურნალობის პრინციპები და ანტიტუბერკულოზური მკურნალობაზე დამყოლობა	ტბ – სპეციალისტი
17.15-17.45	ანტიტუბერკულოზური მედიკამენტების გვერდითი მოვლენები და მართვა პირველადი ჯანდაცვის ფარგლებში	ტბ – სპეციალისტი
17.45 – 18.00	დღის შეჯამება	ტბ – სპეციალისტი
მეორე დღე		
10.00-11.00	პირველადი ჯანდაცვის გუნდის როლი ტუბერკულოზის მართვაში	ოჯახის ექიმი
11.00-11.30	ფილტვის აქტიური ტუბერკულოზის დიაგნოსტიკა (კლინიკური შემთხვევა 1-ჯგუფური დისკუსიები/პრეზენტაცია)	ოჯახის ექიმი
11.30-11.45	შესვენება	
11.45-13.10	ექსტრაპულმონური ტუბერკულოზის დიაგნოსტიკის საკითხები (კლინიკური შემთხვევა 2-ჯგუფური დისკუსიები/პრეზენტაცია)	ოჯახის ექიმი
13.15-14.00	შესვენება (ლანჩი)	
14.00-15.30	ტუბერკულოზით დაავადებული პაციენტების კონსულტირება და მკურნალობაზე დამყოლობის უზრუნველყოფა; ტუბერკულოზის უშუალო მეთვალყურეობით მკურნალობის რეგისტრაცია-ანგარიშგება.	ოჯახის ექიმი
15.30-15.45	შესვენება	ოჯახის ექიმი
15.45-16.30	ინფექციის კონტროლის ზომები პირველადი ჯანდაცვის დაწესებულებებში	ოჯახის ექიმი
16.30-17.00	პოსტ-ტესტი	
17.00-17.30	კურსის დახურვა/სერტიფიკატების გადაცემა და მსმენელების კმაყოფილების შეფასება	ტუბერკულოზის პრევენციის პროგრამის წარმომადგენელი